



UNIVERSITÄTS-
BIBLIOTHEK
PADERBORN

Analysis Methodica Ivris Pontificii

Venator, Daniel

[S.l.], 1579

VD16 V 541

De Frigidis Et Maleficiatis: Et de potentia coeundi. Titulus XV.

[urn:nbn:de:hbz:466:1-63204](https://nbn-resolving.org/urn:nbn:de:hbz:466:1-63204)

840 ANALYS. IVRIS PONTIFICII
DE FRIGIDIS ET MALEFICIA-
tis: Et de potentia coeundi.

Titulus XV.

Continuatio.

CAUSA finalis matrimonij est, procreatio libe-
rorum, & per eam humani generis propa-
gatio, c. Deus, 31. q. 1. Cū igitur impotens
hunc finem non assequatur, ad matrimonij con-
trahendum, nō admittitur. Quōd si de facto cō-
traxerit, id ipsum, ob coeundi impotentiam, re-
scinditur.

Quid est coeundi Impotentia?

Est vitium, natura ipsa nouercante, vel ex ac-
cidenti contractum, quo quis in procreandi mu-
nere, vel alteri carnaliter cōmisceri, impeditur,
c. ex literis, extr. eod.

Quotuplex Impotentia coeundi?

Duplex: naturalis & accidētalis. Naturalis vel
contingit ratione etatis: vt est in impubere, quē
adueniente etate, quādo scilicet natiuæ qualita-
tes, quæ immature, & nimia humiditate oppres-
se erant, calefcere & vigere incipiunt, esse delinit,
§. vnico, 30. q. 2. & c. quod sedem, extr. eod. Aut cō-
tingit in adulto, ratione deprauatæ natiuæ qua-
litis: vt, si vir, propter nimiam frigiditatem,
fit naturaliter impotens: vel mulier ita arctata sit,
vt virum pati non possit, toto tit. extr. eo. Nam
nimia frigiditas in viro & arctatio in muliere:
vt si pharetram ita habeat angustam & arctam,
vt lanceam, seu sagittam viri non possit capere,
(vt loquitur Speculator hoc tit. nu. 2.) prębēt im-
potentiæ coeundi causam, tit. eod.

Quota.

Quotuplex Accidentalís?

Duplex: violenta & occulta. Accidentalís violenta dicitur, quæ violenter infertur: vt si gladio, vel alio instrumento alicui sint virilia amputata. Occulta autem est, quæ ex maleficio, sine violentia, infertur, c. si per forciarias, 33. q. 1.

Quis Finis & Effectus?

1. Impotētia naturalis in masculo adulto, quæ ob nimiam frigiditatem prouenit, non tantum impedit matrimonium contrahendum, verum etiam dirimit contractum, c. 1. & c. 2. 33. quæst. 1.
 2. Impotentia naturalis in muliere, quæ medicorum ope curari poterit, nuptijs impedimento non est: sed si adhibitis medicamentis iuuari non possit: vel possit quidem, sed non absq; graui corporis periculo, & impedit contrahendum, & rescindit contractum, c. fraternitatis, §. hoc autē extr. eod. 3. Impotentia accidentalís violenta, præstat impedimentum, non tantum contrahendo, verum etiam contracto, si matrimoniū præcesserit: sed si, durante matrimonio, contingat, non dirimit contractum. Nam ex quo semel consummatum est matrimoniū impedimēto postea superueniente non facile rescindi debet, c. qd̄ sedem, 32. q. 6. 4. Occulta accidentalís impotentia impediens matrimonij effectum, si perpetua fuerit & præcesserit matrimonium, cōtractum rescindit, & impedit contrahendum. Nō autem si consummato matrimonio alterutri coniugū acciderit, c. si per fornicarias, 33. q. 1.

Quis modus rescindendi Matrimonij?

Si impotentia acciderit violenter viro, & defectu vel abscissione membri virilis per inspectionem

tionem expertorum virorum, quibus hoc muneri commissum fuit, vel alio modo constet, statim diuortium celebrari poterit. Quod si autem acciderit mulieri, vocatis matronis fide dignis, & expertis, quæ si, facta inspectione, ipsam matrem fieri non posse, asserant: vel si opus fuerit inspectione repetita, si idem asserant, statim dirimetur matrimonium, c. fin. extr. eod. l. 1. ff. de ventre inspiciendo, Hostiens. §. qualiter, hoc tit. Si autem de vitio manifestè constare non possit, vel ipsum naturaliter, vel ex alterius maleficio prouenerit, triennij spacio cohabitare tenentur, quo elapso, si nec tunc cohabitare voluerint, & iuxta decret. Gregor. Mulier per iustum iudicium de viro probare potuerit, quòd cum eo coire non possit, rescisso matrimonio alij nubat. Verùm, si ambo fateantur se inuicem non cognouisse, cū septima manu propinquorum vel vicinorum bonæ famæ, (si propinqui defuerint) tactis sacrosanctis Euangelij vterque iure iurando asserat, quòd nunquam per carnis copulam vna caro effecti fuissent: quo facto, mulier ad secundas nuptias conuolare poterit, c. laudabilem, & c. fi. extr. eod.

Aduerte tamen, quæ de rescissione matrimoniorum dicta sunt, & procedant, si alter coniugum ignorans vitij impotentia, quo alter laborat, contraxerit. Nam si habens exploratum vitium, nihilominus ipsi matrimonio se iunxerit, vel, impotentia postmodum comperta simul morari consenserit, his casibus rescissio facile non permittetur. Cùm talem mulierem, etsi uxorem habere non posset vir, habeat tamen, vt sororem,

c. lau-

c. laudabilem, ext. eod. exemplo huius, qui cum minore cōtraxit. Nam licet, sit obligatus ad expectandum, c. de illis, ext. de sponsa. tamen si cū alia contrahat subsistit matrimonium, tenetur tamen primæ sponsæ ratione celebrati contractus sponsaliorum, alimenta & alia necessaria præstare, Abb. in c. consultationi, ext. eo. &, c. laudabilem, ext. de diuor.

DE MATRIMONIO CONTRA- cto contra interdictum Ecclesiæ.

Titulus XVI.

Quicquid contra interdictum & ordinem Ecclesiæ factum est, ratum non haberi, tã diuinæ, quã humanæ legis proclamatur auctoritas, vt dicitur c. videtur, 35. q. 2. Igitur illi, qui ratione consanguinitatis coniūgi prohibentur, si post eã contra interdictum Ecclesiæ cōtraxerint, tam diu in pœnam contemptæ prohibitionis excommunicationi subijciendi & separandi sunt, quousq; consanguinitatis cōtrouersia dirimatur. Et, an matrimoniū iure subsistere possit, legitimè cognoscatur, de muliere, ext. eo. Et hoc quidem verum, si iusta & legitima sit prohibitionis causa. Nam si nulla causa subsit, nulla etiã prohibitionis habetur ratio, c. cum dilecti, ext. de accus. Vel si causa subsit, nō tamen adeo iusta, vt dirimendo actui subsequuto sufficere debeat. Vnde, si ratione sponsaliorū de futuro cōtractorum lis moueatur: etsi contra interdictum Ecclesiæ, appellatione pendente, sequatur matrimonium de presenti contractū, ipsū tamē ob interdictum Ecclesiæ, rescindi non debet, licet contemptori

in po.